

Misa relaciona cu 30 aña di matrimonio di Nel y Glenda Oduber



ORANJESTAD – Un cantidad di familiar, amigo, conocir, minister y parlamentarionan a bin hunto diamars merdia den misa San Francisco na Playa p'asina conhuntamente cu Nel y Glenda Oduber celebra e 30 aña di bida matrimonial di e pareha aki.

E pastoor di Playa a tene un bunita Santo Sacrificio di misa yena di emocion den cual el a enfatisa riba e fieldad y comprension cu mester existi den tur



matrimonio y tambe el a papia ampliamente riba e Union familiar cu ta un característica hopi fuerte di famia Oduber. Na final di e ceremonia Pastoor a bendiciona e pareha aki.

Manera un gran famia un y tur despues di misa a felicita Nel y Glenda y a desea nan hopi aña mas yen di salud y bendicion.